

# INUIT ATAQATIGIIT INATSISARTUNI



25. Maj 2022

Inatsisartut Suleriaasianni § 37 imm. 1 naapertorlugu Naalakkersuisunut apeqqutit uku saqqummiuppakka.

## **Naalakkersuisunut apeqqut:**

- 1. Kujataani aalisarnermi ineriartortitsinissamik naalakkersuisut sunik pilersaaruteqarpat?**
- 2. Aalisakkat tulaassorneqartut qeritiinnariarlugit avammut nassiunneqartarnerat allanngortinniarylugu, naalakkersuisut nunatta iluani annerusumik suliareqqiinnermik ingerlatsinissamut periarfissarsiusinissamut pilersaaruteqarpat?**
- 3. Nunatta iluani aalisakkanik suliareqqiinneq pisisartunut apuuteriaannngorsanneq sukkut aporfeqarami taamanna annersumik atorineqangila?**
- 4. Kujataani aalisarnek pillugu isumasioqatigiittoqarnissaannik pilersaarusiortoqarpa?**
  - a. Taamaappat qaqugu tamanna pissanersoq naatsorsuutigissavarput?**
  - b. Pilersaarutaasimanngippat suna pillugu kujataanni isumasioqatigiinnissamik pilersaaruteqartoqarsimanngila?**

(Inatsisartunut Ilaasortaq Mariane Paviasen, Inuit Ataqatigiit)

**Tunngavilersuut:** Ukioq manna aalisarnermut naalakkersuisoq aalisarnek pillugu Ilulissani, Nuummilu isumasioqatigiisitsivoq, ajoraluartumilli Kujataanni isumasioqatigiinnissamik maannamut pilersaaruteqartoqarneranik takusaqanngilagut, kujataaniilli pisariaqartinneqartutut tusagassiorfitsigut

# INUIT ATAQATIGIIT INATSIARTUNI



apuusisoqartaraluartoq suli pilersaarummik tusagaqanngilagut. Maannalu ukiuni arlalippassuarni aalisagaq tunitsivimmut tunineqareernermi kingorna amerlasuutigut qeritiinnariarlugu nunatta avataannut nassiunneqartarpoq, tamanna nammineq isumaqarpoq nunatsinni annerusumik nalittorsaanermik ingerlatsisoqannginneranik, aammalu suliffissanik arlalinnik pilersitsisoqarsinnaanerani pinngitsoortitsinermik, tamanna ukiorpassuarni oqallisaasarmat iliuuseqarfigineqarnissaa kissaatiginarpoq.

.Ullut qulit qaangiutsinnagit akineqarnissara piumasaraara.